

# ЕНБИ

Культуралы да оласноглы сиём лист бок



## ГАЖОДЧИСНЫ ЮРКАРСА ЭЖВАЙЫВСАЯС



Сыктывкарын Кулөмдінса землячество декабр 18-өд лунө вочис вогөгөрся уджлы кыпкөртөд да котыртліс кыпкөртөд гаж. Концерт муніс И.А.Куратов нима колледжын коми культуралон Сыктывкарса шөрин отсөгөн. Гаж выло чукөрмис 250 морт - эз сөмын Эжва йылын чужом йөз, но и Емдін, Луздор, Көрткерөс, Изьва да Эжва районгьясыс гөсьгьяс. Петкөдчисны «Эжва катыд» да «Медбур кад» сыылыс котыргьяс, республикаса заслуженной артистка Вера Бульшева, коми культуралон юркаrsa шөринөн веськөдлыс Вален-

тина Самарина, серамбана висьгьяс мойдыс Артур Гарнов да сыылыс Антонина Игнатенкова.

Кулөмдін района администрация нимсян сөрнитіс района администрациян веськөдлысөс вежыс Н.А.Левченко. Сійө пасйис, мый Эжва йылын таво лоис уна буртор. Воссис выль школа Ягкөджын, дзоньталісны Сыктывкар-Кулөмдін туй, юрсиктса Сөветской улича, сикт-посёлокгьяса туйяс. 25 миллионыс унджык шайт дон ньбисны бурдөдчанінгьясө оборудование, 26 миллион шайт дон дзоньталісны райбольничалыс реанимация да хирургия юкөнгьяс, Кер-

чомгьян да Дереваннойын амбулаторияс, Ручын кыпөдисны больнича дорө содгөд, Донын выль клуб да библиотека, дасьтисны 120 кага выло найөс видзанінлыс бала. 2012-өд воын босьгчаныс кыпөдны выль школагыс Мысын да Немдінын, спорткомплекс Кулөмдінын. 16 миллион шайт дон дзоньталасны юрсиктса культура керка.

Землячествоон юрнуөдыс Иван Шахов юөртис, мый таво творческой котыргьяс пырөдчисны юркаrsa матө сө гажө. Таво дасьтисны землячестволыс выль эмблема да пас. Найө өні мичмөдөны атгөалан гижөдгьяс да козингьяс. «Эжва катыд»



хоркөд кутис уджавны хореограф, велөдө сылысгьясөс и йөктыны. Ноябрь 15-өд лунсян пансис «Кулөмдінса сарапан» конкурс. Сылон мог - дасьгыны Эжва йывса йөзлы лөсялана рөмгьяса паськом. Талун кезлө конкурсө пырөдчис 15 морт.

Таво землячестволөн уджө өна пырөдчисны том йөз. На лыдын Сыктывкарса вөр институтыс Нина Тарабукина. Тавося декабр 15-өд лунө Перымын Нина дорйис республикалыс ним финн-йөгра нывгьяс кытын «Войвыв кодзув» ордйисьомын да босьтис «Войвывлөн шань ныв» ним. Сыктывкарса уни-

верситетыс Наталья Шахова да пединститутыс студент Александр Карманов шедөдисны грант, котыртисны да нуөдисны Пожөгдінын сиктгьяс кытын футболыс ордйисьом. Енби том войтырөс Иван Шахов пасйис козингьясөс да атгөалан гижөдгьясөс. Землячествоон веськөдлыс сідзжө пасйис Марина Гуроваөс, кодө «Коми гор» канал вылын нуөдө «Ас му вылын» передача. Марина унаыс петкөдліс эжвайывсаөс, землячествоын зільысгьясөс. Козингьяс вичмисны и Кулөмдіныс да Зимстаныс предпринимательяс Роберт Третьяковлы да Андрей Морохинлы землячестволы отасьомыс, пенсионерка Анна Алексеевна Михеевалы 70 во тырөмкөд йитөдын. Тайө нывбабасыс эжвайывсаөс котырын 10 воыс нин дьрджык.

2012 во выло землячество пунктис мог шедөдны «Эжва катыд» хорлы «народной» ним, Вера Бульшевалы - республикаса народной артисткалыс ним, а талунгьяс код гажөдчөмсө вочны фольклорно-эстраднойон. Землячествобердса творческой котыргьяс кындзи, корасны гаж выло и Кулөмдін районуыс эстрадной котыргьясөс, а сідзжө сыылыс да композитор Григорий Игнатовөс, кодө өні оло да уджалө Санкт-Петербургыс.

**Иван ШАХОВ.**

Авторлөн снимокгьяс вылын: **видөдысгьяс; сылө Вера Бульшева.**



## КАРСАЯСЫС ОЗ ТОРГЯВНЫ

«Том кад» шөрин ноябрын районас бөрийсыс комиссиякөд отув нуөдис Кулөмдінын сідз шусяна интеллектуальной ворсөм. Петкөдчисны вермытөм том йөзлөн, Дереваннойыс, томгьяслон района советыс да «Том кад» шөриныс котыргьяс. Дзуган юалөмгьяса ворсөм нуөдис республикасыс юр жулан ворсөмгьяса котырон юрнуөдыс Антон Колесников. Медбурон лоис «Том кад». Медся сюсысөн шуисны Александр Поповөс да

Александр Лютоевөс.

Декабрын ворсисны бара. Вөлі вит котыр: Сыктывкарыс, Көрткерөсыс, Усинскыс да Кулөмдіныс. Бура ворсысгьяскөд өти пызан сайын пукалісны выльяс. Миян районгьян петкөдчисны Александр Удоратин, Владимир Золотарев, Александр Попов, Наталья Мизева, Василиса Тимужева, Татьяна Щипунова, Юлия Хурбатова да Анна Громова. Юр жулгисны пошти сутки чөж. Медводз Кулөмдінса культура керкаын, а сөсся «Пожөма

яг» турбазаын.

Миян районасыс вожьорнас оз торгьявны карсаясыс. Висьталам ыджыд атгөө района культура керкаыс веськөдлысгьяс мөггьяс оломө портыс Е.Д.Гичевалы, предприниматель И.В.Ракинлы, «Парма» нургьяснинса да «Пожөма яг» турбазаса уджалысгьяс, висьталіс «Том кад» шөринөн веськөдлыс Александр Удоратин.

**Марина ДАДАШОВА.** Авторлөн снимокгьяс вылын: **Антон Колесников чукөртө вочакысгьяс.**

## «ТӨВСЯ ЫБИЦА»

Коми республикасыс конькион исласьом кузя федерациялөн кубок выло ордйисьом петкөдис нимгьясөс том спортсменгьясыс, кодгьяс мунасны «Төвсья Ыбица» гаж выло, кодө восяс локтан вося январ 6 лунө. Татшөмыс республикаса каргьясыс 22 морт.

Январ 9 лунө найөс велөдасны мирса чемпионгьяс Мария Петрова да Алексей Тихонов. Мый найөс збылыс корасны велөдчыны, кор ассыныс сям петкөдласны нималана спортсменгьяс, томгьясыс сетисны сертификатгьяс. Налы оз ков вештисыны асланыс каргьясыс локтөм да бөр мунөм, гостиницаясын олом.

Төдмавын медбура исласьысгьясөс отсалісны федерациялөн кубок выло ордйисьом котыргьяс да судьясыс. Наөн лоисны ордйисьомын вермысгьяс, приз босьтисгьяс да асьнысө бурбоксян петкөдлысгьяс. «Войвыв олимпия» спортшколаса директор Андрей Горбунов пасйис, мый «Төвсья Ыбицаын» петкөдчөм лоас том спортсменгьяслөн оломын оз сөмын выль

тшупөдөн, но и выль вермөмгьяс выло ышөдысөн.

Спортлөн да гажлөн праздник мунас культуралон «Ыбица» финн-йөгра паркын январ 6-9 лунгьясө. Медводза кык лунсө тырвийө снасны челядьлы. Коймөд лунө (январ 8 лун) лооны гажөдчанторгьяс, велөдасны вөчавны выль во кезлө чачаяс, мунасны сноубординг, карта серти корсысгьясөм кузя республикаса ордйисьомгьяс, петкөдласны Ыб сиктгөгөрсөс местаяс, исласяны кыр йывсян, котраласны вөв доддьон, сувтласны лампа выло, ворсасны хоккейысгьяс гынсапөгөн да с.в. «Төвсья Ыбицалөн» бөргья лунө (январ 9 лун) велөдасны исласьны да петкөдласны ассыныс сям фигурноя исласьом кузя чемпионгьяс Алексей Ягудин, Алексей Тихонов да Мария Петрова, Татьяна Тотьянина да Максим Маринин. Паркө вольтысгьяс петкөдласны сідзжө гажөдан программа, лооны отувгья дискотека да призгьяс ворсөдөм. Январ 9 лунө паркө верман веськавны билетсэ серти.

**Александра САВЕНЯ.**

## ГИЖЛӨМ ВӨРЫН

### МЕД ЛОАС КУЛӨМДІНЫН

Быд району, миян районуын кындзи, эм районлөн музей. Көть сөрнитис миян района музей йылыс мунө важон нин, делөыс водзө оз мун, век ыстысөны сьом абутом выло. В.Г. Лодыгин газетын гижис, мый району музейлы местаяс Кулөмдінын, а абу Джемжимын. Чайта, мый району йөз сувтасын Василий Григорьевич дор.

Районаса музей выло подулыс эм. Пөшти быд сиктын эм музей, да востьны кө музейсө Кулөмдінын - юксыштасын экспонатгьясөн.

Великой Отечественной войнаын Победаян 50 во тырйгкежлө востлим музей Кулөмдінса шөр школагын. Веськөдліс сійөн Антонина Васильевна Сладкоштиева. Эна отсасисны вөвлөм фронтөвикгьяс: И.Г.Семьяшкин, М.Г.Попов, И.А.Сладкоштиева, С.И. Воробьев, М.Н.Игнатов да мукөд. Чукөртим ыджыд материал. Отсалісны гижны войнаывса быд участник выло анкета велөдчысгьяс.

Тайө ставыс вөлі кивыс патриотической воспитатөмлы. Музейи тшөкыда волісны эз сөмын кулөмдінсаяс, но и Көрткерөс района велөдчысгьяс. Музейын артмис водзмөстчыс велөдчысгьяслөн котыр. Челядь гижасисны Советской Союзса Герой Г.Ф.Тимусевкөд, кодө оліс Москывын. Ме серти, и өні, вөлі кө юрсиктын музей, эз сөмын Кулөмдінса, но и ветлыс-мунысгьяс, пыравлісны сэтчө.

Эжвайывса му выло йөз овмөдчисны 17-өд нэм пансигөн на. Кулөмдін да Немдін дьр вөліны шөр вөлөсыгьясөн. 1921-1929-өд восяын Кулөмдін вөлі нин уездлөн шөринөн, а 1929-өд воын лоис районлөн шөринөн, Эжва берегын медся гырыс сиктгьясыс өтиөн. Кулөмдінын, мукөд сиктгьясын серти, водзджык воссисны школа (1843), больнича (1890), библиотека (1899), Кулөмдін пыр важысыс муніс Печора да Урал вомөн Сибирө вузасын туй. Кулөмдін век вөлі административной, экономической да культурной шөринөн. Та восна и музейлы колө лоны Кулөмдінын, а оз бокиса ичөтик сиктын. Кулөмдінса музей петкөдлас важысыс өниа кадөдз района материальной да духовной культуралыс сөвмө. Дерт, сөмын йөзлөн кыпалөмон тайө уджыс оз артмы. Быть колө спортчыны сиктса да района администрациялы. Музейлы колө лоны мичаөн, синмө шыбитчанаөн да бурместаын, мед мичмөдис сиктнысөс.

**Светлана КАСЕВА.** Кулөмдін.